

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 217664 22 St
Zenica, 22.01.2026. godine

Općinski sud u Zenici, stečajni sudija Amra Brkić, u stečajnom postupku nad firmom „VOĆEPROMET” Društvo za transport, proizvodnju, unutrašnju i vanjsku trgovinu, d.o.o. Tešanj, u postupku unovčenja mase stečajnog dužnika, odlučujući o prijedlogu stečajnog upravitelja Hadžirašidović Jasmina od 26.12.2025. godine, za donošenje rješenja o zaključenju stečajnog postupka, van ročišta, 22.01.2026. godine. donio je sljedeće:

R J E Š E N J E

Zaključuje se stečajni postupak nad imovinom VOĆEPROMET” Društvo za transport, proizvodnju, unutrašnju i vanjsku trgovinu, d.o.o. Tešanj, namirenjem razlučnog povjerioca Sparkasse bank d.d. Sarajevo u iznosu od 287.955,00 KM što u procentu iznosi 17,47%.

Pravomoćno rješenje o zaključenju stečajnog postupka dostavit će se Registru društava ovog suda, radi brisanja stečajnog dužnika koji je upisan pod MBS: 43-01-0287-08.

Ovo rješenje će se objaviti u „Službenim novinama Federacije BiH”, WEB stranici suda i oglasnoj tabli suda. Po proteku roka od pet sljedećih radnih dana od objave na oglasnoj tabli suda i WEB stranici suda dostava se smatra izvršenom, a u „Službenim novinama Federacije BiH”, dostava se smatra izvršenom istekom pet dana od dana oglašavanja.

O b r a z l o ž e n j e

Dana 03.12.2020. godine zz "VOĆEPROMET” Društvo za transport, proizvodnju, unutrašnju i vanjsku trgovinu, d.o.o. Tešanj podnio je putem punomoćnika prijedlog za otvaranje likvidacionog postupka. U toku postupka likvidacije privrednog društva Voćepromet doo Tešanj, utvrđeno je da društvo nema imovine koja bi pokrila sve dugove koje društvo ima, pa je likvidacioni upravnik podnio prijedlog da se nad privrednim društvom "VOĆEPROMET” Društvo za transport, proizvodnju, unutrašnju i vanjsku trgovinu, d.o.o. Tešanj otvori stečajni postupak u skladu sa članom 103. Zakona o stečaju. Sud je nakon održanih ročišta za ispitivanje uvjeta za otvaranje stečajnog postupka utvrdio da postoje uvjeti za otvaranje pa je donio rješenje broj 43 0 St 217664 22 St od 17.12.2024. godine, koje je postalo pravomoćno dana 04.01.2025. godine.

Stečajni upravnik je utvrdio da društvo od imovine na sebi ima jedino nekretnine upisane u ZK uložak broj 2123 k.o. SP_Dolac, nekretnina označena kao k.č. 455/7, I zemljište ispod stambeno-poslovnog objekta i dvorište, II porodično-stambeno-poslovna zgrada (Zemljište ispod stambeno poslovne zgrade dvorište površine 958m²), ZK uložak broj 2124 k.o. SP_Dolac, nekretnina označena kao k.č. 455/7 E1 označena kao posebni dio zgrade, višesoban stan koji se u naravi sastoji od prizemlja (površine 87m²) i sprata (površine 117,29m²) ukupne površine 200,16 m², u naravi stan i ZK ulošku broj 2125 k.o. SP_Dolac,

nekretnina označena kao k.č. 455/7 E2 označena kao posebni dio zgrade u podrumu, koji se u naravi sastoji od kotlovnice i spremišta ukupne površine 56,64 m² u naravi Podrum, na kojim nekretninama je kao razlučni povjerilac upisana Sparkasse banka dd Sarajevo sa priznatim potraživanjem u iznosu od 1.648.091,44 KM. U toku stečajnog postupka, stečajni upravnik je prodao nekretnine u vlasništvu stečajnog dužnika za iznos od 319.950,00 KM, te od tog iznosa namirio troškove stečajnog postupka i djelimično namirio razlučnog povjerioca, te mu dana 15.07.2025. godine uplatio iznos od 287.955,00 KM, a što je bilo dovoljno za namirenje u procentu 17,47%.

Podneskom od 17.09.2025. godine stečajni upravnik je obavijestio sud da je namirio I troškove stečajnog postupka te prijavio nedovoljnost stečajne mase u skladu sa članom 197. Zakona o stečaju. Postupajući po prijavi nedovoljnosti stečajne mase sud je na osnovu člana 197. Stav 3. Zakona o stečaju objavio oglas 03.10.2025. godine kojim je pozvao stečajne povjerioce i povjerioce ostalih obaveza stečajne mase da se izjasne o prijavi nedovoljnosti stečajne mase u roku od 30 dana od dana objavljivanja oglasa u Službenim novinama. Oglas je objavljen u Službenim novinama Federacije BiH broj 78/25 od 10.10.2025. godine.

Razlučni povjerilac Sparkasse bank dd Sarajevo je dana 08.10.2025. godine dostavio dopis u kojem se izjašnjavaju na prijavu stečajnog upravnika nedovoljnosti stečajne mase i to samo na način da osporavaju prodaju nekretnine koja je bila u vlasništvu stečajnog dužnika bez da su predložili dalje konkretne mjere ili da su ukazali da postoji još imovine u vlasništvu stečajnog dužnika te da predlažu dalji nastavak postupka. Sud je dopisom od 02.12.2025. godine odgovorio razlučnom povjeriocu te ih podsjetio da je Kantonalni sud u Zenici je već odlučio o navodima koje su istakli u podnesku a povodom njihove žalbe na rješenje o brisanju zabilježbi na nekretnini stečajnog dužnika koja je u ovom postupku prodana dana 26.05.2025. godine te je žalba odbijena kao neosnovana i rješenje potvrđeno.

Članom 197. Zakona o stečaju propisana je prijava nedovoljnosti stečajne mase, pa tako stavom 1. Je propisano da ako su troškovi stečajnog postupka namireni, a stečajna masa nije dovoljna da ispuní ostale dospjele obaveze stečajne mase, stečajni upravnik prijavljuje sudu da postoji nedovoljnost stečajne mase.

U toku postupka stečajni upravnik je namirio troškove stečajnog postupka, te od novca dobivenog unovčenjem stečajne mase djelimično namirio razlučnog posuveroica dana 15.07.2025. godine.

Nakon što je stečajni upravnik postupio u skladu sa navedenom zakonskom odredbom, isti je prijavio nedovoljnost stečajne mase a kako je i propisano članom 197. Stav 2 Zakona o stečaju (Stečajni upravnik dužan je da prijavi sudu ako stečajna masa, prema predviđanjima, neće biti dovoljna da ispuní postojeće ostale obaveze stečajne mase u trenutku dospelosti.)

Nadalje, članom 197. Stav 3. Istog Zakona propisano je da je stečajni upravnik dužan da objavi na oglasnoj tabli suda, web stranici suda - elektronskoj tabli suda i u "Službenim novinama Federacije BiH" prijavu nedovoljnosti stečajne mase i pozove stečajne povjerioce i povjerioce ostalih obaveza stečajne mase da se izjasne o prijavi nedovoljnosti stečajne mase, a kako je u konkretnom slučaju i urađeno.

Članom 156. Stav 5. Zakona propisano je da se prije okončanja stečajnog postupka vrši revizija finansijskog poslovanja stečajnog dužnika za period trajanja stečajnog postupka.

Sud je rješenjem od 01.12.2025. godine imenovao Sabriju Kaknjo iz Zenice, za reviziju finansijskog poslovanja stečajnog dužnika za period trajanja stečajnog postupka. Revizor je dana 24.12.2025. godine dostavio Izvještaj o reviziji finansijskog poslovanja stečajnog dužnika za vrijeme trajanja stečajnog postupka, koji je u svom zaključku našao da na osnovu dostupne dokumentacije nije našao nepravilnosti u finansijskom posovanju stečajnog dužnika za vrijeme trajanja stečajnog posupka.

Član 200. Zakona o stečaju propisno je da stečajni sudija zaključuje stečajni postupak čim je stečajni upravnik izvršio diobu stečajne mase, u skladu sa članom 198. ovog zakona. Stečajni upravnik dužan je da za svoj rad, nakon prijavljivanja nedovoljnosti stečajne mase, posebno položi račun stečajnom sudiji. Ako se nakon zaključenja stečajnog postupka pronađu predmeti koji pripadaju stečajnoj masi, stečajni sudija na prijedlog stečajnog upravnika, povjerioca stečajne mase ili po službenoj dužnosti određuje naknadnu diobu, a na postupak naknadne diobe na odgovarajući način se primjenjuju odredbe člana 192. stav (3) i čl. 193. i 194. ovog zakona.

Nakon što je ispoštovao sve zakonske odredbe, i utvrdio da druge imovine nema stečajni dužnik, stečajni upravnik je predložio zaključenje stečajnog postupka.

Odlučujući o prijedlogu za zaključenje stečajnog postupka nad stečajnim dužnikom „Voćepromet“ d.o.o. Tešanj sud je našao da su ispunjeni svi gore navedeni zakonski uvjeti za zaključenje stečajnog postupka na osnovu člana 200. Zakona o stečaju.

PRAVNA POUKA:

Protiv ovog rješenja može se izjaviti žalba u roku od 8 dana od prijema rješenja Kantonalnom sudu Zenica putem ovog suda.

*Stečajni sudija
Amra Brkić, s.r.*